

Afe mgbi iJudu

¹ Afe ne kye mbi ani iJudu, ongbido mgbi iYesu iKrestu di li ongwuno ifensi, le ke mbi ama ngwu Otseyi Imgbasho kwu ma ela, a kpan itukwu ngwu iYesu iKrestu kye abo ge ma ntonani.

² Imgbasho no nu ema elela yi iyu beyi okpitukwu dzii.

Ado okwookwo ikye otsootso atsika

³ Emi okani osuse, dafi i dze ani nghina-nghina olo ema afe ikye owato-wato mgbi eyi ne kpaa, n di gbæe i yæ kyeme-kyeme nin nlo wo ema ola gbæe ni ema kwumewo mi oyeye onuunu ngwi a kye wo emi osaan abo akponyi ta gyegwu nani.

⁴ Lubana ani lo ungwone ikyegbæe inggise angbeka tase wa kaka okwakye mgbi emi iKrestu mi idzidze ema le gbæe, elela mgbi Imgbasho okwulewo na le nu eyi ofe okyo amah ibwubwe. Odzili-dzili mgbi ito inggise ntona a teyi lo dze ese gbegbe wa, ikyekye a tangwe Otse iYesu iKrestu Ugabaidu mgbi eyi nani.

⁵ Dafi ema teyi ye ungwone duu ne kpaa, i minen oye we ema gbæe, Otse Imgbasho dulu emidan to mi ese Igyibiti, nghaduu o wa ye dzili ama nnun oyeye ba mani.

⁶ Mi ofe oka yo, Engyeso ama ndzata imbe yi ude mgbi ama na, o gbe ma toke iyifu, ta ma itse yi ashi nka dze ba, le fe egbe ikwo okwulewo mgbi Imgbasho nani.

⁷ Mi ito ofe na kpoo, iSodon yi iGomora beyi ogalu ama nkpaekere woma duu kye ewoma nu mi amah beyi ali idza duu. A yee ambe mbi ama nkawa gyadze mi ola gyegwu mani.

⁸ Mi ito ofe na yeye, ama nkye gbæe ama gbe ine odiidi ntona kye ewoma woke idza, a di fwa ofwo ama ogbe ma teyi di fya engyeso ito.

⁹ Nghaduu angbodzi ongyeso iMaikye onɔ ngwi o le natsondu mi ikwo mgbi iMose yi Olodu ma jokpaa, o kyo odzasha fyan ito ba, kpaa o gbæe, <<Ni Otse kyokyo yi abu!>>

¹⁰ Nghaduu inggise ntonɛ li fyito mi ungow ama ngbosa lo ma ba beyi ama ngbosa lo ma kpaa mi odiidi mgbi ama, a li tsewodze dafi mmbwaba mani, ma di li ungow ntonɛ yeye li dzili ma kpaa aali.

¹¹ Ahoo mi ikye ma! A kyedo ofe mgbi iKain; a wende dafi iBalan mani, ikyena a gbe itukwu mgbi ama duu fake odze awuya; a ka dzili ma mi afo okye twese yi Imgbasho dafi iKora nani.

¹² Inggise ntonɛ li inggise imbaali, a dze yi ayiwi ba, di zofu kpakpa, a le kyi mbelu ema okwakye mi onɔ ngwi ema le gye ungwogye owe okpitukwu mgbi iKrestu mani. A dze dafi akpumbwo nli gbe kpa, li kya ba nani. A to dafi ekwo ama nli wa owawaba mi onɔ oshe eto mani. Ni a kye kwolu man a li kwulu.

¹³ A dze dafi akpeni ongwɔ onikyekyoo mani, ayiwi mgbi ama li tsoto dafi uvu; a dze dafi mce ama nle ga kye ngwi Imgbasho kye imbe nghao yifu duu dze ma gyegwu mani.

¹⁴ Enɔku, nli ongwiba mgbi Adan ongwu gyafa na teyi yegbo mi ikye inggise ntonɛ gbæe: <<Dii,

Otse kyema ka ba yi engyeso mgban ama osaan idubu-idubu

¹⁵ owa gbo ali inggise duu ikwo, di wa ngwo ama n ye Imgbasho ba ikwo mi alobube mgbi ama okyockyo duu, mi ofe ayin ba beyi elodze otimbi-timbi ngwi a gbo kwu iyi Imgbasho mani.>>

¹⁶ A li ama okwondukwo di pita imbe okye abo byi; a li kyedo imina ibwubwe mgbi ama nani; a li tsaabo igege ikye ewoma di fyumfya ondu yi angbeka ikye ni ama tu ungowo nmina ma mani.

Oshitukwu

¹⁷ Nghaduu, emi okani osuse, we ungowo ngwi ama ogbikye Otse mgbi eyi iYesu iKrestu, teyi gbo nani.

¹⁸ A gbo nya ema gbɛɛ, <<Mi egbe ongwi olele ma, ama okye ondu wo inggise ewo kawa to le kyedo ofe imina mgbi ama obube nli mgbi Imgbasho ba mani.>>

¹⁹ Inggise ntonɛ li gha ema, a li kyedo ayayi imina mgbi ewoma di sulu Onodzi mgbi Imgbasho ba.

²⁰ Nghaduu ema, emi okani ingblimo, kwunewo kiyayi mi oyeye onuunu mgbi ema mbi Imgbasho, dile bibo mi mfyɛ mgbi Onodzi Osaan na.

²¹ Kye ewema dze mi okpitukwu mgbi Imgbasho dafi ema le fe elela odiidi mgbi Otse mgbi eyi iYesu iKrestu ikye okye ema kaka oshishe ogyegwu neni.

²² Tobyi ama ngwu oyeye onuunu mgbi ama le ngwiingwi mani;

²³ lafwa angbeka to mi ola di dulu ma wato; angbeka yo di ma elela ikye imio mi oshishe

mgbi abu, nghaduu kyili angwuto mgbi ama n yɛɛ
kplɛkplɛ yi ali ibwubwe mgbi ama nani.

Ibo ongwi olɛɛ

²⁴ Nghane i kye angba otaata nu Imgbasho, nka
nu ema esɛ ogboogbo ba, ndika kye ema tso mi
inai okwɔkwɔ mgban yi obube onyi ba beyi atsa
oshewo nani.

²⁵ Mbi Imgbasho Onagbe eyi na yuon, okwɔkwɔ
yi onghaangha yi mfye beyi ɛnɛpɛ no dɛɛ nye mbi
Otɛ mgbi eyi iYesu iKrestu, dafi i teyi dɛɛ mani,
onɛnɛ nghataa gyegwu! No dɛɛ ngha.

Etulo NT

Portions of the Holy Bible in the Etulo language of Nigeria

copyright © 2024 Initiative for the Translation and Development of African Languages

Language: (Etulo)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 26 Jul 2025 from source files dated 9 Jul 2025

156b6685-3a62-5375-95ed-97245882cc90